

CONVENIO DE COLABORACIÓN ENTRE A CONSELLERÍA DE POLÍTICA SOCIAL E A ASOCIACIÓN ARELA NO DESENVOLVEMENTO DUN PROGRAMA DE CAPTACIÓN, VALORACIÓN, FORMACIÓN E SEGUIMENTO DE PERSOAS OU FAMILIAS PARA CONVIVIR CON ADOLESCENTES QUE TEÑAN QUE CUMPRIR UNHA MEDIDA DE CONVIVENCIA CON PERSOA OU FAMILIA NAS PROVINCIAS DE CORUÑA E PONTEVEDRA.

MEMORIA XUSTIFICATIVA

A Directora Xeral de Familia, Infancia e Dinamización Demográfica da Consellería de Política Social,
DECLARA:

Que a Consellería de Política Social ten previsto formalizar coa Asociación Arela o instrumento convencional arriba referido por un período de vixencia que abrangue dende o 2 de abril de 2018 ata o 31 de decembro de 2018.

Que o instrumento convencional ten por **obxecto** regular a colaboración entre a Consellería de Política Social e a Asociación Arela para o financiamento dun programa dirixido á captación, valoración, formación e seguimento de persoas ou familias para convivir con menores que teñan que cumprir unha medida de convivencia con outra persoa, familia ou grupo educativo, posibilitando o mantemento dunha rede que permita en todo momento a execución das medidas deste tipo que ditén os xulgados de menores de A Coruña e Pontevedra.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar **fundaméntase** no seguinte:

Primeiro. O artigo 45.1 da lei orgánica 5/2000, reguladora da responsabilidade penal dos menores (en diante LORPM), atribúe ás comunidades autónomas a execución das medidas adoptadas polos xuíces de menores nas súas sentenzas firmes para o que levarán a cabo, de acordo coas súas respectivas normas de organización, a creación, dirección, organización e xestión dos servizos, institucións e programas axeitados para garantir a correcta execución das medidas previstas nesta lei.

Segundo. A Consellería de Política Social, a través da Dirección Xeral de Familia, Infancia e Dinamización Demográfica, ten asumidas entre as súas competencias, de acordo co establecido no artigo 13 do Decreto 176/2015, do 3 de decembro, polo que se establece a estrutura orgánica da Consellería de Política Social, a execución das medidas ditadas polos xulgados de menores nos termos establecidos na LORPM.

Terceiro. O artigo 7.1.j) da LORPM regula dentro das medidas susceptibles de ser impostas aos menores, a de convivencia con outra persoa, familia ou grupo educativo. A persoa sometida a esta medida debe convivir, durante o período de tempo establecido polo xuíz, con outra persoa, cunha familia distinta a súa ou cun grupo educativo, axeitadamente seleccionados para orientala no seu proceso de socialización.



Cuarto. A imposición desta medida resulta efectiva, tanto na súa dimensión cautelar como propiamente sancionadora-educativa, nos supostos en que é necesario extraer á persoa menor do domicilio, cando non proceda o seu ingreso en réxime de internamento. Persegue a resocialización íntegra do/a menor a través da aprendizaxe, mediante a súa integración nun núcleo familiar que se considera máis axeitado para o seu desenvolvemento persoal.

Na actualidade esta medida se impón na meirande parte dos supostos, no caso de delitos de malos tratos cometidos contra os seus ascendentes. O seu obxectivo é o retorno da persoa menor axuizada por maltrato ao núcleo familiar contra cuxos membros delinquir, unha vez superados e corrixidos os patróns desviados da conduta. O exame do número de medidas desta natureza impostas dende a entrada en vigor da LORPM amosa que son os Xulgados de menores de Coruña e Pontevedra os que máis impuxeron esta medida.

Quinto. De acordo co establecido no artigo 19 do Decreto 1774/2004, do Real Decreto 1774/2004, do 30 de xullo, para a execución da medida a entidade pública seleccionará á persoa, familia ou grupo educativo que considere máis idóneo, entre os que se ofrezan e acepten voluntariamente a convivencia.

Sexto. A asociación ARELA, inscrita no Rexistro de Entidades Prestadoras de Servizos Sociais da Consellería de Política Social co número E4168, é unha entidade sen ánimo de lucro que ten como fins o desenvolvemento integral da infancia e da mocidade en Galicia en situación de desprotección e/ou conflito social, fomentando iniciativas de calidade e normalizadoras, cun compromiso continuo pola xustiza social, a través da implicación das persoas que a constitúen.

Esta entidade colabora con esta Consellería de Política Social na execución das medidas non privativas de liberdade, levando a cabo unha intervención educativa integral con persoas menores que teñan que cumprir medidas xudiciais e outras actuacións en medio aberto na provincia de Pontevedra o que implica un coñecemento directo do perfil das características dos menores e facilita a selección da persoa ou familia máis axeitada para colaborar na execución da dita medida.

Así mesmo, desenvolveu con éxito na provincia da Coruña un programa destinado á captación, valoración, formación e seguimento de persoas ou familias para convivir con adolescentes que teñan que cumprir coa medida de convivencia na súa vertente de persoa ou familia, configurando unha rede de contactos e relacións que permitiu a súa máxima difusión e o cumprimento do obxectivo do programa; conseguir contar cun banco de persoas ou familias que convivan cos menores proporcionándolle un ambiente familiar favorecedor que posibilite o seu correcto desenvolvemento social e persoal.

Sétimo. A Consellería de Política Social e a Asociación Arela teñen como obxectivo común procurar a súa reinserción e reeducación das persoas menores.

Oitavo. Dado que a Entidade Pública non dispón de medios persoais que lle permitan levar a cabo un programa destinado á captación, valoración, formación e seguimento de persoas ou familias que estén interesadas en convivir con adolescentes nas provincias da Coruña e Pontevedra, e tendo en conta a experiencia da entidade na provincia da Coruña, que a configura como referente para persoas ou familias interesadas en colaborar na medida e o seu coñecemento da realidade dos menores infratores na provincia de Pontevedra considérase necesario acudir a unha fórmula colaborativa para o desenvolvemento do programa.

A través deste programa as dúas partes establecen o marco dunha colaboración mutua de cara á consecución do obxectivo prioritario deste convenio.



Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto e co fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificada á sinatura do instrumento convencional que se pretende con exclusión doutras figuras.

E para que conste, asínase esta memoria, en Santiago de Compostela a 3 de abril de 2018.

